



Randi Vestergaard Evaldsen
Demokraatit sinnerlugit Inatsisartunut ilaasortaq

§ 37 naapertorlugu apeqqummut 98/2019 akissut

- 1. Naalakkersuisut oqaatigisinnaanerlugu nunatsinni peqqinnissaqarfimmi qinnguartaartilluni iviangitigut misissuinnermut atortunik sunik peqarnersoq (mammografi)? Aamma ilanngullugu oqaatigeqquneqarpoq napparsimavinni sorlarni atortoqarnersoq aamma sorlarni napparsimavinni atortunik amingateqartoqarnersoq?**

Akissut:

Taamaallaat Dronning Ingridip Napparsimmavissuani ivianginnik qinnguartaanermut atortoqarpoq. Ivianginnik qinnguartaanermut atortorissaarutip atornissaanut misissuinerullu ingerlannissaanut immikkut ittunik piginnaasaqartoqartariaqarpoq. Taamatuttaaq qinnguartaanermut assit nassuiarumallugit aamma nakorsatut immikkut ittunik paasisimasaqarnissaq pisariaqarpoq.

- 2. Naalakkersuisut oqaatigisinnaanerlugu qinnguartaartilluni iviangikkut misissortinnissamat (mammografi) qanoq sivistigisumik utaqqisoqartarnersoq?**

Akissut:

Qinnguartaasartut immikkut ilinniarsimasut (radiolog aamma radiograf) sapaatit-akunneri tallimakkaarlugit/arfinilikkaarlugit Dronning Ingridip Napparsimmavissuanukartarput qinnguartaallutik misissuiartorlutik, taamaattumik tunngaviatigut sivistunerpaaamik sapaatit-akunnerini arfinilinni utaqqisinnaasarlutik. Periuseq maanna atuuttoq Peqqinnissaqarfup aningaasaqarnikkut tunngavissiaata iluani pitsaanerpaavoq. Qinnguartaasartut immikkut ilinniarsimasut (radiologit aamma radiografit) isumasioqatiginerisigut immikkut ilisimasalinnit tikeraartoqartarnerup akulikissusaat aalajangersarneqarput. Immikkut ilisimasallit sapaatit-akunneri tallimakkaarlugit arfinilikkaarlugilluunniit Dronning Ingridip Napparsimmavissuanukaraangata napparsimasut innersuunneqarsimasut tamarmik misissorneqarsinnaanngorlugit aqqissuussami inissaqartinneqarput.

- 3. Naalakkersuisut oqaatigisinnaanerlugu, qinnguartaammut atortunik nutaanik pisineq qanoq akeqassanersoq (taggiinikkut) taamaasilluni qinnguartaartilluni iviangikkut misissorneqarnissaminnut (mammografi) utaqqisueruttoqarsinnaaqqullugu?**

Akissut:

Ivianginnik qinnguartaanermut atortunik pisinerup aserfallatsaaliuinerullu qanoq akeqassanersut akinissamat piffissarititaasup iluani missingiunneqarsinnaanngillat.

01-03-2019
Suliap nr. 2019 - 4691
All. nr. 10102757

Postboks 1160
Oqarasuaat: 34 50 00
Fax: 34 55 05
3900 Nuuk

Email: pn@nanog.gl
www.naalakkersuisut.gl

Tamatuma saniatigut ivianginik qinnguartaanermut atortunik allanik piseqqittoqaraluarpat atortulluunniit napparsimmavinnut allanut ikkunneqaraluarpata utaqqineq sivikillisinneqarsinnaanngilaq, matumani atortorissaarutit atornissaannut immikkut ilinniarsimasunik sulisoqannginnera pissutaalluni. Misissuinerit (nakorsamit immikkut paasisimasalimmit) qinnguartaanermik immikkut ilinniarsimasumit (radiografimit aamma radiologimit) ingerlanneqartarput. Qinnguartaanermik immikkut ilinniagallit (radiografit radiologillu) piginnaasaasa attatiinnarnissaannut suliamillu sungiussisimanissaannut napparsimasut ikippallaarnerat pissutigalugu aalajangersimasumik atorfeqartinneqarsinnaanngillat. Tamatuma saniatigut nunani avannarlerni qinnguartaanermik immikkut ilinniagallit (radiografit radiologillu) assut piumaneqarput.

4. Naalackersuisut qinnuigineqarput naatsumik naatsuaateqarfigeqqullugu arnap qinnguartaartilluni iviangimigut misissorneqarnissaa pillugu qanoq ullutsinni nalilersuisoqartarnersoq (mammografi)?

Akissut:

Nakorsamit nalilerneqartarpoq, tamannalu assersuutigalugu tinupasoqarnernut, anniaateqartoqarneranut, mulimmit imerpalasoqarneranut, ammip allanngorneranut ikeqarneranullu takussutissat, iviangimmik misissuineq kiisalu kingornussisoqarsimasinnaaneramik nalilersuineq toqqammaviusarput. Tamatuma saniatigut napparsimasut BRCA-llit napparsimasullu iviangimikkut kræfteqarsimasut nakkutigineqartut iviangimikkut qinnguartaartinnissamik neqeroorfigineqartarput.

5. Suliamut tunngasunik allanik soqutiginaatilinnik naalackersuisut paasissutissiisinnaappat?

Akissut:

Naalackersuisut allanik oqaaseqaatissaqanngillat.

Inussiarnersumik inuulluaqqusillunga


Martha Abelsen